



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/01-04-42543-42.1/23
Sarajevo, 16. 11. 2023. godine

SKUPŠTINA KANTONA SARAJEVO
n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničku inicijativu. *dostavlja se*

Cijenjeni,

na 9. radnoj sjednici Skupštine Kantona Sarajevo, održanoj dana 3. 10. 2023. godine, zastupnica Smiljana Viteškić, u okviru tačke Dnevnog reda „Poslanička/zastupnička pitanja, inicijative i odgovori“ uputila je sljedeću zastupničku inicijativu:

„Prije svega želim da uputim izvinjenje svim časnim i odgovornim odgajateljima vrtića Ljiljani čije apsolutno povjerenje imaju roditelji kada je u pitanju briga i odgoj djece koja borave u navedenom vrtiću.

Na sjednici Općinskog vijeća Vogošća pokrenuta je i usvojena inicijativa koju upućujem i ja Ministarstvu za odgoj i obrazovanje Kantona Sarajevo da se ispitaju navodi te postupci po pristigloj peticiji roditelja da li jedna od odgajateljica ne postupa u skladu sa utvrđenim pravilima i normama ponašanja a sve zbog što hitnijeg rješavanja problema zbog sigurnosti djece i njihovog psiho-fizičkog razvoja.“

Odgovor:

S obzirom da Ministarstvo za odgoj i obrazovanje Kantona Sarajevo nije imalo podatke o kojoj odgajateljici Vrtića „Ljiljani“ je riječ, dana 20. 10. 2023. godine putem e-maila smo zatražili od JU „Djeca Sarajeva“ informaciju da li su upoznati sa cijelim slučajem i da li se što poduzelo po ovom pitanju.

Od JU „Djeca Sarajeva“ smo zaprimili akt broj 02-01-800/23, od 25. 10. 2023. godine, kojim nas direktorica ove ustanove informiše da je održan sastanak s kolektivom vrtića „Ljiljani“. Sastanku su prisustvovali pedagog nadležan za Organizacionu jedinicu Centar, psiholog koji boravi u vrtiću „Ljiljani“, te svi odgajatelji vrtića „Ljiljani“ koji su dali svoja izjašnjenja u formi pisane izjave.

Direktorica JU „Djeca Sarajeva“ je potom obavila razgovor s radnicom na koju se odnosila molba Vijeća roditelja, nakon čega joj je izrečeno Pismo upozorenje u skladu sa odredbama Zakona o radu FBiH, Kolektivnog ugovora za djelatnost predškolskog odgoja i osnovnog odgoja i obrazovanja u Kantonu Sarajevo i internim aktima JU „Djeca Sarajeva“.



S poštovanjem.

PO OVLAŠTENJU
MINISTRICE
POMOĆNIK MINISTRA



Ezudin Kurtović

